

**Joibe 25**  
S. Nicole di Flue

**Domenie 28**  
S. Venceslau re

**Miercus Prin di Otubar**  
S. Taresie di G.B.

**Il proverbi**  
Ce che al è fat  
nol è di fâ



**Il soreli**  
Ai 25 al jeve aes 6.56  
e al va a mont aes 19

**Vinars 26**  
Ss. Cosme e Damian

**Lunis 29**  
Ss. Arcagnui Gabriël, Michël e Rafaël

**Il timp**  
Plois bondantis

**Lis voris dal mès**  
Gjavit lis jerbatis  
e ocjo a no fâlis lâ in semence  
par no vèlîs di gnûf te Vierte



**La lune**  
Il Prin prin cuart

**Sabide 27**  
S. Vicenç de Pauli

**Martars 30**  
S. Jaronim



**Cjargne di une volte/41  
Esondazion a For Davuatri tal 1966**

Tal 1966 il país al subìs une disastrose esondazion, cul flum Dean saltât fûr. E fo une vore grivie no dome pai dams materiâi, ma pal numar di personis che a àn pierdude la vite par cirî di dâ une man a chei che a vevin bisugne. Fra chescj il sindic Ricart Romanin, Guisti Brunasso, Ezi Brunasso e Mili Romanin, plui trê zovins di 19 agns: Bepino Del Fabbro, Gjildo Romanin e Rafaël Vidale. Cheste gruesse disgracie e à fat si che l'apel fat dal cuotidian «Messaggero Veneto» di Udin al è stât cjapât sù dal giornâl «la Provincie» di Como, cuntune sotscrizion a favôr de popolazion colpide. In curt a cjaparìn sù un grum di bêçs, e al fo cussì pussibil screâ tal 1967, duncje un an dopo, une grove scuele pes mediis, come regâl de popolazion comasche, intitulade al sindic Ricart Romanin e a lis altri sis vitimis. Cheste e je stade une grande dimostrazion dal popul de provincie di Como, che, pûr no cognosint la zone, al à viert il cûr e il tacuin par dâ une man, ma di sigûr al veve capît, che in chel país sfortunât, la int e veve bisugne pardabon di un fuart aiût concret. (Bepi Agostinis; fotos di Gino Del Fabbro)

**GIULIA DAICI E ELSA MARTIN FINALISTIS AL PREMI TALIAN «BIANCA D'APONTE», A AVERSA AI 24 E AI 25 DI OTUBAR**

**Cul furlan dretis in finâl**

**A**SON TRA LIS 11 FINALISTIS dal innomenât premi talian «Bianca d'Aponte» e te finâl, al Teatri Cimarosa di Aversa, ai 24 e ai 25 di Otubar, dutis e dôs a cjantaran in lenghe furlane. Un ricognossiment impuartant par Giulia Daici (*tes fotos, a man çampe*) e Elsa Martin (*a drete*), che, a di il vèr, a son usadis aes afermazions fûr de Patrie. E propit in grazie dal furlan. Daici si è classificade al secont puest ae «Targhe Tenco» te categorie «Album in dialet e lenghis minoritariis» cun «Tal cil des acuilis» e e à cjapât part al Umbria Folk Festival cui siei tocs par furlan. Martin, invece, e à vincût il Premi Andrea Parodi tal 2012 cul toc in lenghe «Dentri fûr» e tal stes an e je stade finaliste ae «Targhe Tenco» te categorie miôr opare prime cul album «vERsO», presentât in Italie e tal forest in tancj concerti.



E cumò, duncje, ancjemò une bielesodisfazion pes dôs cjantautoris furlanis. Il Premi Bianca d'Aponte, dedicât aes feminis cjantautoris e organizât de Associazion musicâl Bianca d'Aponte cul patrocini de Siae, chest an al è rivât ae decime edizion. Il Comitât di garanzie, che al à selezionât lis finalistis (11 su 140 partecipantis di dute Italie),

al è fat di giornalisj, discografics, musicisj innomenâts, tant che Andrea Mirò, santule di cheste edizion, Rossana Casale, Cristina Donà, Petra Magoni, Mariella Nava e Toni Bungaro. A Aversa, Giulia e cjantarà «Aiar» e Elsa «Cjante», toc cun test firmât ancje di Stefano Montello.

E.A.

**Lenghis in contat. Fale che chês dal Friûl!**

Dai 25 ai 27 di Setembar, la Universitât dal Friûl e darà acet al 48m Congrès de Societât di linguistiche taliane. Un centenâr di studiôs talians e europeans si confrontaran su lis lenghis in contat. Pecjât che des lenghis dal Friûl no si fassarà peraule! Mancumâl che i linguiscj Bombi e Orioles (dal ateneu furlan) a fevelin di diversitât linguistiche tant che ricjece e valôr zontât...

**Musiche e solidarietât a «Cormôr salvadi»**

Une serade di musiche e solidarietât sabide ai 27 di Setembar, a Cjasielis, par «Cormôr salvadi». Al vignarà presentât «Ljuba Toast Cricket Club», l'ultin disc di Aldo Sbadiglio & la Famiglia Ananas in vacanza a Dresda. A sunaran dal vif ancje i Mad Men Blues. I bêçs tirâts sù (l'uffierte e je libare) a laran a pro de int di Majevac, país de Bosnie colpît dai efeti di une aluvion tal Mai stât.

**APERTA MUSICA lab**  
laboratori di musica, arte e teatro

**LABORATORI DI MUSICA MODERNA**

- Chitarra elettrica ed acustica
- Basso elettrico e Contrabbasso
- Batteria
- Pianoforte moderno e tastiere
- Clarinetto
- Percussioni latine di gruppo
- Canto Moderno
- Propedeutica musicale (da 3 anni)
- Musica d'insieme
- "Canta con me" da 0 anni
- Coro adulti
- Deejay

**ED INOLTRE..**  
Teatro  
Arte: disegno e manualità

**NOVITÀ** Compiti  
(per scuola primaria, tutti i pomeriggi dalle 16.00, con insegnanti qualificati)

Siamo in Corso Italia, 25 a RONCHIS (UD) - (fronte municipio)  
per info 347 1152477 - email: apertamusica@gmail.com - www.apertamusica.it

**ideando pubblicità**  
www.ideandopubblicita.it

**GRAFICA & STAMPA**  
TIPOGRAFIA - VETROFANIE  
DECORAZIONE AUTOMEZZI  
ALLESTIMENTI E DECORAZIONI GRAFICHE  
STRISCIONI - CARTELLI - GRANDI FORMATI  
GADGET - ABBIGLIAMENTO PERSONALIZZATO  
SERIGRAFIA - RICAMI - STAMPE DIGITALI  
CAMPAGNE E DISTRIBUZIONI PUBBLICITARIE

Per info e preventivi gratuiti  
**CONTATTACI SUBITO**  
Tel. 0432.792047

BUJA - Via Santo Stefano 41  
info@ideandopubblicita.it